

夢

林

玄

解

夢林玄解卷之九

夢占

形貌部三

肩脇

腋背

乳臍

腰腎

心胸

○○○肩脇類

精血

汗氣

膀胱

兩肩生于耳上似無項

大吉

占

體壯身強壽高祿重

杜畿夢衣錦坐危車遊黃河左沙坡懸鏡自照兩肩高聳頭連胸乳似虎無項次日魏參軍拉飲帳中畿語曰夜夢無項恐不祥參軍曰此乃威振邊疆之象果爲河東太守是時天下郡縣皆殘破河東最先謁爲守郡民安物阜名振三國

斫肩吉

占 警醒宜守之兆。其人干係必重。有禍必輕求財大得。道路小心。苦病中此夢。有神明救解得瘥。

肩生桃枝開一花

占 桃花淫賤。美玩也。夢者得美妾。生美女。壽增長。若孕婦夢之。生女不生男。

荷擔肩上 吉

占 任重之象。夢此為冢宰。為元帥。為族之長。為邑之主。諸事大吉。

貞婦張璋玉。未嫁時嘗夢肩荷重擔。寤告親曰。女子不出戶庭。夜夢荷擔。肩上恐驗在亂離。奈何。父曰。一家重負之兆。為媳婦者正當然。後為庠生視胤妻。生于文冕。胤卒。辟道訓子。杜門不出。四十餘年。終始如一。子貴贈宜人。

立人肩上 元吉

占 此夢為人所尊而獨立不懼。春大貴之象。其侯王之兆乎。

肩上升人 吉

羊琇夢人執鍾立于肩上升以訊母。母辛寤。英曰。當爲上人用。但必自思所立。後鍾會西征。以琇爲參軍。會反于蜀。琇以全歸。

肩突出

占 肩者肱之本。其象爲佐輔之人。夢此其兆必佐輔我者有突出之情。

兩肩受打痛極 大吉

占 夢之大得人加之兆。學者得之。精神倍增。猛士得之力。長千斤。貧窮得之。有人扶助。衰病得之。氣旺。神清。

肩上升癰疽 吉

占 癰疽者。毒氣所聚。此夢乃兩間氣聚。日 瘰癧不散。佐輔躋躋富貴充足之象。

肩背生虫蛆 吉

占 此生氣旺動之象。蛆者裸蟲之屬。人爲裸蟲之長。夢此者。萬貫金錢。

蛇盤肩腹 大吉

占 蟒衣之象。若高年。衰病者。夢之不祥。

削去兩肩 凶

占 兩肩被削。如失左右手。幫貼無人。是丁有難。二體既傷。家國其何能保。

肩脊開闊平硬 大吉

占 寬如錦幃之象。夢者心事平順。筋絡疏通。伏疾開懷。適逢陽健。諸事得調。大吉。

肩無力 凶

占 扶助者少也。諸事皆不祥。惟病者夢之不妨。若父母兄弟有患。而夢已無力。真惡夢也。

脇肋高聳

占 左肋高右肋低男強女弱
日 右肋高右肋低弟盛兄衰

加增肩骨 吉

占 兆主添益人口夢中增兩骨醒來骨髓充盈
日 自己生精家內增添婢僕更得人來助力

肋骨細短 凶

占 此夢氣虛力減財損用不足家資
日 窮敗病加增藥失其方諸事差誤

脇作鳴 吉

占 脇本無聲聲在肺經夢魂振動有禍必輕
日 行人音信學業長成病宜調理爭戰摧城

脇破出月 大吉

占 月為太陰金象也婦人夢之孕
日 秀貴也文人夢之顯貴高明

劍決左脇 大吉

唐肅宗吳后侍寢大驚乘獨呼之既寤后曰夢中有人金甲操劍曰上帝命吾與汝爲子乃自左脇劍決而入痛甚難堪以燭照之若有赤痕孕生代宗

脇被鎗刺 貞吉

占鎗屬金金爲財利夢脇被刺協力受利之兆。惟不宜詞訟出行不宜爭鬭諸事皆吉無咎。

脇肋下生翼 吉

占人生翼將上達夢脇下似飛虎文士登科武士得助孕婦生賢子得遠。

脇肋鳥飛 凶

占聞股無事意亂心煩旁人調說或有移遷若在病中魂飛離天誰女子夢之必有喜事至。左逆正母夢已脇化爲鳥飛而上霄遂有雄生道立時冠成子登顯位後妻鳥飛入脇至。

少腹開穴 凶

占 陽不足也。此男變爲女之象。玉莖受損之兆。夢此必爲他人所欺。

少腹浸入水中 吉

占 腎旺則夢大水。腎虛則夢水涸。水浸小腹。潔淨和樂。無意中得財物之夢。娶婦得妻財。

人刺背 大吉

唐玄宗晝寢。夢人刺其背。驚寤。召高力士問之。力士曰。後面有良刺。史。天下大治矣。必得諍臣入相。時韓休爲相。峭直。力諍。不干榮利。

背負重石

占 負荷非輕之兆。此夢立功任重。爲人所憑。諸侯霸仕。令尹平安有事。關係宜盡力。

背裂 凶

占 國有艱危。家有變異。爲臣盡忠。爲子盡義。
日 銀寡親丁。孤獨如婢。巧流妻吉。百路無忌。

滿背生瘡痛難忍 凶

宋宗澤之汴舟中夢背生疥瘡痛極驚寤
日。今後必有大禍。不二年。疽發于背而亡。

背上縛一木 凶

占 夢此是休囚困苦之象。
日 諸事不利。宜急解鎖。

背上生目能視 吉

占 能見後人

得孤后少夢背生兩目。文曰將來
見富貴。可喜且賀。後果爲皇后。

背有童子在两髀中 凶

占 人之臟腑命門皆從背盲出。背盲在肩髀骨間脊
骨之內。此重穴在天爲天根。在地爲龍門。在國爲

曰

陵寢爲聖母在家爲家廟在人爲人所
不見不聞手指所不及藥力所不能引

晉侯求醫于秦秦伯使醫緩治之未至公夢二豎
子曰快良醫也懼傷我焉逃之其一曰告育之上
膏之下攻之不可達針之不及藥不至焉公曰良醫
也爲之厚禮而歸之

背上有虫行 吉

占 夢此多勞多愁多利多財虫生意生意出
曰 于背後勝于目前諸事皆吉惟病不宜

蠅集背 凶

占 蒼蠅紫蠅翼鳴美聲輕小華形喙食易盈
曰 奸邪小人品類陰情夢背集蠅後禍難明

背負羊車 吉

占 羊車本是絡中形背脊巍巍向玉庭
曰 引氣上昇由命穴夢見神隨延九齡

背上有一童子 吉

占 後有賢孫良裔之兆

背生艸 吉

占 主肝氣有餘

背骨斷 凶

占 人譬屋。背脊猶棟。棟折屋不能安。夢此。父母亡。子孫死。身殞命大。不爲解。謹慎解鎖。可以轉禍。

鵲鳴背上 凶

占 鵲者朱雀之屬。經曰。飛鳥遺之音。不宜上宜下。此之謂也。

背有龜文 吉

占 龜者。兆靈之物。夢此。主位列三公。榮顯。又背有一紀。病皆除。

背上生蚕蛾

占 瘡癰哭哭體氣不泰禍
事紛紛嗽啣抱悶之光。

背上瘤 吉

占 夢者必有重負不能脫去囊
中有物之象。屬留遠行之兆。

○○○乳臍類

生四乳 吉

占 男夢生四乳主娶賢妻美妾。
女夢生四乳必產貴子賢孫。

擊乳作金鉞聲 大吉

占 金之數于五行爲九。五形爲乳。生死所係。夢作金
聲。子孫吉慶。良朋相會。雖病則不死。雖陷縲絏必
救。蓋鉞爲軍中奏凱又爲釋道
日 壓邪鬼用之。此夢諸事大吉。

被人割乳

占 乳者汝也。血肉不可割傷。夢者。日 哀親丁。少孕育。失產業。有母災。

食人乳 吉

占 血氣有餘之象。日 親丁發達之光。

乳上生髮 吉

占 生人之祿。大吉。主福壽。無病。日 食豐需。病患消除。事事佳祥。

乳流出無數

占 乳。人子之食也。此夢。主充足有餘之光。日 衣食盈餘。壽命無窮。產婦妻之不孕。

乳鳴蛙 吉

占 子呱呱而生之光。病日 者夢之宜禱。鎮鎮。

蟻出乳中 吉

占 蟻能穴泥鑽土。鑽至運骨。微生也。出者。災去也。夢此。病去患除。吉祥之兆。

乳上裝翠寶

貞吉 否凶

占 錦衣玉食

乳生杏花 吉

占 兆此者。驗于榮歸。女夢著于產孕。

犬來食已乳

占 男夢被人訟官。必主和議。女夢生男。必易長成人。應在申戌候。

蛇入臍中 吉

占 逢途躋時。必然龍舞鳳翔。笑傲旋旋。蚤得青蚨。白兔中饋。豐吝舍身。塗炭外財。剋剋積福。倉鼠。

臍出烟 吉

占 少年夢之。當布新婦之喜。

臍上草生 凶

占 草生苗不長。苗長草不生。此田園荒蕪之兆。

針刺臍 吉

朱壽昌。丁母憂。涕泣幾喪明。夜夢以針刺入臍中。驚覺。兩目無恙。

以繩穿臍

占 文人隱士得盛明。幼學遇明師善訓。平人有好人相結。女子爲丈夫寵愛。生意獲大財。

臍生小羊 吉

占 貧者夢之富。富者夢之貴。貴者夢之加。旺。女子夢之有喜。玉有恙者。夢之疾瘳。

無臍

占 兆主飢餓

臍水出 吉

占 腎水有餘之象。水既盈必流出。水既出中必深。夢此氣旺神清。災消病除。

虱叮臍 吉

占 虱者半風之象。此兆風土和諧。受人囑託。得人利益。

日入臍 大吉

慕容德母公孫氏夢日入臍中。晝寢而生德。德後稱帝于廣固。

臍穴見星 凶

占 夢此防腹疾。

腰腎類

腰繫金銀 大吉

占 夢此兆者。文人大貴。女
曰 人夫榮。腰纏十萬之象。

被人以刀斷腰

占 兩截。功名再試再
曰 捷。作事有頭無尾。

腰間火起 吉

占 水火既濟。運旺氣足。陽有
曰 餘。陰有積。家資充。情意快。

腰汗出 吉

占 熱氣薰蒸。發于肌膚。金水相干。汗出毫竅。三焦火
旺。氣乾水枯。而為虛熱。夢中腰汗。覺來膚燥。是家
事在心。困已得治。若病中夢之。病從汗
出。為康健之兆。是汗無味。珠玉。皆失矣。

腰間掛五臟

占 我財漏洩之兆。五臟在五體之內，夢掛腰外，是肌膚不能包藏之象。家資暴露，積蓄散失也。

洗腰腹見臟腑 吉

占 心緒分明之象。夢此者，惡去善來，禍消福至。隱者顯，昏者明。受冤者得白。

腰生虱 吉

占 人氣生虱，此夢生生不已。氣旺財來。又為腰間盤繫錢財之兆。主凡事有水色。

鬼入左腰腹內 大吉

占 大得遂志之兆。選舉魁甲，功名顯赫。王商賈萬倍，胎孕公侯。

腰腎水流

占 地火明夷之象。夢水得金，水流出為費財利。此兆陰有餘，精不固，火上升，時虛度，病瘥可。

腰腎蛻解行

占 世亂兵強之兆。腰是山坡。腎是溪流。滿身甲冑如蛻解。偏體橫行似夢中。

腎成玉石子 吉

占 若滿腰玉石。掛在囊中。此氣足精固。慾火不動。夢之諸恙皆除。男十夢之主得子。

犬咬去腎囊 凶

占 鬼賊相侵之夢。須防盜賊失財。敗產傷生之禍。無血大凶。

刺腎囊

逃。長初殺符堅。及稱帝。後如長安。至新支堡。疾篤。夢堅將天官使者。兵數百。突入營中。其懼走人。官。官人。逃。莫村。是。誤。中。其陰。見。馬。語。曰。正。中。死。處。拔。予。出。血。石。餘。宿。而。驚。悸。遂。患。陰。腫。醫。刺。之。出。血。如。夢。至。其。云。而。祖。

被人割腎去

占 仕宦不祥

兩腎突出 凶

占 矢脫驚危之兆，必有急事至，若夢出復入，則疑難無大咎。

鳳凰喙腎 吉

占 夢者姻緣晚諧，功名後得。子曰：嗣美賢，諸事佳慶，但不在前。

腎囊明亮忽大如斗

占 此乃富貴之兆也。夢此者，食祿千鍾，驅馬高車，不明者不吉。

〇〇〇 心胸類

以刀開心 大吉

占

刀者肺之氣持刀者肺之神肺爲心之華益夢刀開心心竅通也諸難解百憂去。

鄭玄師馬融三年將去過樹陰下假寐忽夢一人以刀開其心語之曰今可學矣返而復卒業遂精于典籍後東歸爲名儒。

取人心肝吉

唐張儉初登第夢取人心肝次日請同第言夢事儉以吉同第曰見他日爲民父母大得民心後爲湖州刺史大教營田歲收數十萬斛遇旱勸民相賑贖合郡皆豐足民立生祠祀之。

見人心肝成犬豕吉

占

大點氏面呼引物于無經心來逐去遂立業片家唐常賤輩夢此當于戌亥生子。

心變鳥

占

飛動之物能伸雲漢夢心變之文人曰大吉經商尤美詩詠等事有變不虛。

心如明月 大吉

占 虛心應太易清光照天下羣星隱而萬物
曰 仰瞻浮雲散而一腔如畫聖人之夢也

人抱腹心 吉

占 為臣得君寵為君得賢佐為妾得夫愛
曰 為客得扶助抱病得神醫初學得師傳

心腹空 吉

占 虛心受教空肚飽餐夢見此者
曰 士為顯官孕生忠孝衰弱平安

心中有一羊 凶

占 未為羊木庫未夢此為肝火攻心當
口 有疾病至心中一羊恙字也防之

雷擊破心 大吉

文文山未第時遊于衡岳夢龍陣從洞庭來霹靂
一聲心碎如屑以問諸同遊者伯友曰當作丙辰

首甲亥果驗
狀元及第

取心水中洗吉

占洗心滌慮。毓德。檢身。
之象。天乙來。慾火去。

金士英年二十。病瘵。夢天王以三
昧水洗其心。寤若無疾。壽至九十。

水入心吉

占心火炎炎。水破焚。一番滋潤。一番焦。
火涼。水煖。精神伏。過改災除。病患消。

懸心樑上大吉

占志意高世之象。夢此。私情。隔絕。
姻緣不諧。功名高。遂。事大吉。

手摩心大吉

占摩者轉悞。調理之象。夢手摩心。兄弟新明。
此兆病除。夢開。安。吉。

指畫心裂 吉

占 裂者陽不足。夢指爲子侄親丁。此夢是改過自新之象。有吉無凶。

周昭王夢人以指畫心。感于而裂。遂患心痛。后夢中人來以手摩之。即愈。

心痛 凶

占 夢主親族遭殃。知己受厄。病者夢之。恙入胞胥。平人主有人謀害。

頭上戴人心肝 吉

占 交情密切之象。自頂他人意。人心在我頭。親朋結戴。一同出入之兆。

開心納藥

占 藥納百病去。心開萬事全。才深有學智愈無縫。上智脫離平白地。下愚移到碧雲天。

尹知章少勤學。嘗夢神人以大鑿開其心。以藥納之。自是日益開朗。盡通諸經精義。未幾而諸師友

北面受業焉。張說薦爲秘書監。

以寶易人心 吉

占 人心。至寶也。以假易真。利已之象也。夢者。文思暢順。經商獲利。

心上生禾苗

占 苗生于心。心種發也。文人益才思。婦人夢之。孕貴育秀。生花結實之兆也。

無心 大吉

漢谷永嘗夢開胸見骨。有膽無心。以問于師。師曰。子誠無心人也。必大賢臣。果爲大司農。直言諫諍。帝爲歛容。

鑿破心胸

占 心中有利器。日下遇恩榮。學者夢之。大吉。天下文章第一。訟者夢之。大凶。值心禍患。自沖。

胸忽裂 大吉

占 裂破舒開也。主文思日加。懷抱寬宏。爲臣盡忠。爲子盡孝。齊家盡禮。交友盡義。正所謂忠烈士也。

人脚踏胸腹上 凶

蕭山何守賓爲憲。到任。生性嚴峻。留家一宿。夢人雙脚踏其胸腹。心甚一。子敬語之。敬曰。奸仇害父。敬以死報。及旦。駕舟渡江。惡尹奢皇伏謁。以爲富道。已而尹自漸。吹令解者。聞道。餘于害之死地。子敬慟哭曰。父夢人踏胸腹。竟被鄒縣尹踏害。今我必踏殺鄒賊。後敬提登聞鼓。訟父冤。事下并鞠。竟逮諸解人抵死。鄒尹論戍。

胸忽開 吉

占 胸開舒張。懷抱夢兆。諸事成。百憂皆散。喜慶來臨。吉祥之徵。

剖胸納巨鑑 大吉

占

訓心見誠信納鏡得高明應舉入太學

占 處家無隱情女夢得貴子男夢補肺精

占 王處訥夢人持一巨鑑星宿燦然剖腹納之困究星曆占候之學深造其旨

胸中出錦繡統綺

占 此兆文人夢之文章錦繡才名上達孕婦夢之生貴育秀腹患症可宿寃伸舒

胸前懸鏡吉

占 大將登壇之兆一方善政萬里兵權英雄逞志有知人之哲高士幽居無利利之虞

胸前心坎大如斗大吉

占 夢之得心寬意樂窮居陋巷將來改換門閭博學多聞此去高揚令譽

胸光如水晶吉

占 胸中靈秀之象

胸掛虎形 吉

占 君子成虎變
小人假虎威

胸旁出火焰 吉

趙方爲荆湖制置使夢其子葵兩肋火炎驚寤曰
葵夢兩火光燭天兒欲何爲葵寤曰志滅金賊未
知所欲諸將問之曰龍肩有火麟字皆然趙公子
當大貴越三日開警葵與諸將偕出大捷方行擒
實軍士憤其薄葵亟呼曰此朝廷賜也本司別有
賞賚軍士遂定方曰子年十三衆服機警吾夢汝
胸光焰炎矣
今果驗矣

胸露骨無膚

占 肌膚損失心腎暴露大
曰 老子孫亡切輩親遭禍

胸生逆鱗 大吉

占 龍形也。夢已身有逆鱗。其貴無上。其富
存下。若夢他人。須認其爲誰。不可犯。

胸旁竅開如穴 吉

占 夢毫竅開者。耳聰目明。才敏志遂。胸中爲
心胞絡。左穴怒消。右穴憂散。佳祥之兆。
與顯夢胸開二竅如
鼠穴。後爲蜀郡計條。

胸藏筆 吉

占 筆能書寫。計文策武。救生主
殺。夢胸中有筆者。詞章都麗。

胸變婦人乳 吉

占 柔能制剛之兆。男乳屬陰。女乳爲陽。男乳微細。
女乳高大。此乃弱勝強。邪勝正。陰勝陽之夢。

菜生胸脇

占 夢此者。主無味中
有味。不生處有生。

○○○臟腑類

盛臟滿盆見五色 大吉

占 文章華麗之象。辭由臟中出。盛滿成器。夢見五色光精。禾異常。置之盆中。當以上達。

自灌水入臟 吉

占 水老金之子。臟者百物收藏之處。夢此者。全自外來。而收藏于居室之內也。

臟中取筆

貞吉 否凶

占 筆在臟中。書數能通六藝。寤寐取出。醒來要作千言。

五臟出在地 凶

占 五臟離腹。為氣散在地。氣散于土也。其禍遲久。

漢成帝召楊雄作日泉賦。雄倦卧。夢五臟盡出在地。以手收入。及覺。氣衰。遂有疾。一載而亡。

夢肺玄解

夢之凡

臟腑

七

夢占

無五臟 大吉

占 曰 士夫有府庫之職。庶民有鄉村之樂。女子有才郎之慶。

洗臟腑 吉

占 曰 藏府一空。胸腹一清之象。

拾臟腑

占 曰 夢已身臟腑在外而拾得之。主恢復舊業。夢拾得他人之臟腑。主獲外財。更虞世亂。

剖分臟腑

占 曰 此夢主分鬬。費局。

臟腑在雲中

占 曰 此夢主生疾病。積求仕選者。夢之大吉。學文者。夢之主。高德。盛。吉。雲。吉。白雲凶。

臟腑缺少一二

占 夢無膽有虛驚。無肝成怒病。或作事不成。無脾有言人不聽。無胃缺食。無脾家無地。無腸大凶。無腎日 有好事至。爲吉祥之兆。

虫生臟腑中 吉

占 生意綿綿金錢日 堆積大富之兆。

照見五內

占 自身五內惟善養生者知之。否則不能察也。好學者得之爲明察詳審之象。○心經有云。照見五蘊皆空。皆空者惟方外人得之大吉。

○○腸胃類

納腸入腹 大

占 夢此者兆主文章益進
曰 利取股股諸事佳祥

腸中火起 吉

占 心腎之火會于脘下陽位胃煖故有此夢若患
曰 痢者夢之藥力使然也文士夢此熱衷之占

以腸繫人 吉

占 懼人走脫
曰

見人易肚腸 吉

占 肚腸受易冤仇解散恩人反叛若夢道路
曰 之人不曾識認者諸凡作事必豫防之

掛腸在兵器

貞吉
否凶

占 此亂世之事因利養生之累若夢高
曰 掛鎗尖懸于衆人頭上大貴兆也

腸結陰物 凶

占 人之陰物少陽情火也結青開
曰 結之象有氣不舒有志不遂

烏鴉喙已腸

占 烏鴉朱雀爭食在口占 夢者父母有
曰 殃子孫有海妻擊鬪口鄰里鬪訟

腸成絲

占 相思牽撮之兆絲出自天虫經綸
曰 萬象通夢之文名得達姻緣成配

腸出化虹升吉

占 文人夢此氣吐虹霓女人兆
曰 此孕生雄俊老年夢之凶

斷腸凶

占 腸斷難續悲哀難忍也辭鄉背井骨肉飄零思
曰 義隔絕惟分財與嫁人為父母者夢之大吉

人易腸中物

占 貞吉
占 凶

占 窮苦憂愁之象
曰 憂之則吉也。

腸達城關 大吉

孫堅母懷妊夢腸出達吳關門。以告
婦。婦曰。吉。胎中必大貴者。果生男。

被人抽腸臙去 凶

占 腸臙。廷命者也。去之不能生也。夢之
曰 被盜欺侮。惟應遷考。試爲大吉。盛。

掛腸山上 大吉

占 志在高。掛之象。有是。則天下之人
曰 皆仰而望之矣。忠臣孝子之夢。

抽取人腸 吉

占 夢象。主得人之長。

滌腸胃 吉

占 洗滌去穢也。夢此者。

日

王素舊更新之兆。

王仁裕少嘗夢其腸胃以西江水滌之。顧見江中沙石皆成繡象之文。由是文思益進。因號詩集

曰西江集。

晉吳寧中。沙門竺法義。在始寧保山後。得病積時。日就羸。遂不復治。數日。晝夜夢一道人來候其病。因爲治之。刺出腸胃。游洗臟腑。見有結聚不淨物甚多。洗濯畢。還納之。語義曰。汝病已除。夢覺果得復常。

胃脘開豁 吉

占 北夢兆主時運通。日 達情意暢快之象。

○○○肺肝類

肺上生花 吉

夢林玄解

宋之九 肺肝

半

夢占

占 此兆。士人夢之。文思生花。孕婦夢之。產女如花。祿祥之夢也。富人夢之。主花費。

肺出成雲霞

占 雲者。流動不寧。霞者。空虛無實。夢者。諸事不祥。惟文士夢之。大吉。

肺生兩翼 吉

占 夢主金氣有餘。金無餘氣。故七政九竅。惟金無二。肺主金而夢生兩翼。大定回鑒之象。

掘地得自己肺腑 大吉

占 貧人夢之。偶夢大財。富貴者夢之。領長壽。金農夫夢之。大豐年。有諸事者。夢之必驗。

換易肺腑

占 肝主氣。肺主皮。毛夢易者。氣血變更也。或夢從善。或夢為福。達至大邪。福臨禍大。

夢後。自十八。夢上帝遣神。易其肺腑。云。得有微命。自後。禍福皆前知。未嘗出戶。人或見之。江海之上。

肺肝如石 吉

占 肺主金。秋如石。肺虛如蜂窠。肝主木。春如花。肝虛如泡影。心如堅石。心如朽木。則有此憂。福至為盛。

以刀割人肺肝 吉

占 金木刑人。夢者以柔維之。利在於他。戰勝攻取之象也。

被人刺肺肝 大吉

占 針刺起死為生。夢人來刺我。我見其所刺。彼無欺隱。我有靈感。禍消病除。福臨利亨之兆。

肺肝被虎食 凶

占 身陷虎口之兆。要此音。主其疾病。正戰皆不利。

照見人肺肝 吉

占 所見者誰人。思仇顯易。我所照者。非鏡。反見為難。我既知人。人莫我欺矣。

取肺肝納已腹吉

占 彼之呼吸在我腹中。我以氣血。
日 爲彼出入。兩人一心。受納無二。

換人肝肺

貞吉
否凶

占 肝主呼。肺主吸。夢中何人。我住換易。呼
日 吸由我。出入皆然。女子夢之。必主貴子。

剖肝見珠

占 肝乾也。珠淚也。夢中又有此。夢大福生也。
日 珠在已肝。淚出痛腸之兆。又爲收淚之象。

肝化蝴蝶飛

占 夢之者。病人歸。
日 實怒氣消平。

膽忽大吉

占 膽大無驚恐。年所驚也。夢此者。心
日 下而小。做事無畏。縮。夢中有作爲。

陽腎類

銀針刺入馬口 吉

占 弱元有出無入。溺出于此而精亦從此出。針灸所不及。夢銀針刺入。是金氣旺盛。得助剛強之兆。

玉莖飲酒 吉

占 夢此當得嬌妻美妾。良朋俊傑。有歡樂大暢之遇。

鐮刀斫開肉具 大吉

占 文人作顯宦。武士立大功。商賈得大利。娶女遇良媒。放難生貴子。疾病得切已者救之。

肉具長垂過膝 凶

占 無時享壽之兆。必有凶刑。飲食多愁多。其家承祚而無祀。其驗驚憂而有財。

玉莖生寶相花 大吉

王言夢切夢金上生花。扶如寶相。其父聞之。以問大法師。師曰。大貴。欲其果為駟馬都尉。

玉莖忽長 吉

占 未知北牡之合。而較作生育之源。精神之本。夢其長大。家聲業盛。親丁有喜。資財暗長。交游密以。

腎被責痛 吉

占 兆主前後存人出力。有禍必輕。宜自省改過。無咎。

腎無膚 凶

占 貧窮孤苦之象。

腎無屋

占 切冲夢之。為無寶。為有疾。高年夢之。為獨夫。為癰疽。

主尾如禽獸腎 吉

占 無初有終之兆。夫生罔。婦婦。見。在。堂。遇。友。工役將完。若夢蛇尾。大化小。化。柔之驗。

腎生癰 吉

占 癰。密。捍。避。也。有此夢者。諸事皆吉。身。榮。名。著。衣。食。豐。足。但。不。能。安。坐。

腎濕大 吉

占 安閑之象。家安人足。子貴僕富。苦。遊。行。來。往。百。事。遲。遲。不。能。迅。速。

規腎以色 吉

占 規主圓。矩主方。夢人規畫其腎。是身後有定規也。青色為清高大名。白色為財。身。為。報。仇。雪。恥。全。色。為。剛。勇。決。斷。黃。

黑。為。田。土。產。業。

晉。文。公。夫。人。夢。神。規。其。腎。以。墨。曰。使。有。晉。國。三。而。畢。猶。之。遂。故。名。之。示。曰。黑。腎。黑。腎。在。位。七。年。是。為。

武。公。子。景。公。孫。厲。公。相。繼。立。自。黑。腎。至。厲。公。三。世。矣。厲。公。弒。國。人。逆。周。子。立。之。寔。悼。公。蓋。襄。公。驕。之。

孫也。

腎中生長毛 吉

占 腎有毛，長壽徵也。夢生長毛，安易恒產之。

〇〇〇 陰谷類

陰毛拂蹠 吉

魏都範。自青州還京，夜夢陰毛拂蹠。史武進解之曰：公泰盛于齊下矣，必當重牧全齊，後果應其言。

陰子破囊欲墜地 凶

占 此屬命門爲開元，夢此象者，命運有子孫傷妻妾共諸事災危。

見女人陰戶 凶

占 陰口開張，脫露無收之象。夢誰家女元品分高，貧賤知是何人對口，相垂掩蔽者無妨。

女子陰變爲陽物

貞吉
否凶

占 夢此當思良夫。生男。子長成家。
業爲女中丈夫。北離司晨之兆。

見母下體

顧珍繁詔獄。當伏法。忽夢見其母下體。愈懼。時有善解者曰。太夫人下體。是足下生路也。重見生路。何吉如之。明日門下侍郎薛稷。奏刑失入。竟得免。琮後拜相。

火烘下體 吉

占 富者見之得人。貴者見之得位。
曰 貧者見之得衣。病者見之得瘥。

谷道毛垂地 大吉

占 便竅毫長。良田萬頃。夢長而垂地。利亨。
曰 倍增之兆。當出貴子賢孫。榮親耀祖。

○○○精血類

夢林玄解

卷之九

精血

吉

夢占

精若水晶 大吉

占

精者元陽之真髓液之原陰陽合而成胎胎氣聚而成形身之所自生也隨氣而出而入而血隨之是之不可用用之不可見夢中見之是氣隨神而神有靈靈在肺官肺官爲精母精歸腎腎者肺之子狀如水晶旺且固也

滌精而納之

早醒與人鬪鬪者卒死。醒歸引夢寐精而納之。寤語其弟孟陽曰非有人命乎。醒以真告孟陽趨往鬪所俟捕捕者或嘆不訟而和

精泄不泄 吉

占

夢泄不泄。夢耳火歷而腎熾元陽固也。必有重勞盡力功成意遂之驗。

遺精

占 夜夢遺精火旺氣寒元陽不固欲動而後外泄
遺精而為疾病入腎腎不留之故夢中瀉白。醒後見
遺此病虛白必服調理不可不慎也

交妬精不洩 凶

占 幹事不成之象夢此者遇而不遇徒勞力而無功
有謀不遂有始無終諸事不吉須防鬼魅之侵虛
火之症

精寒如石 凶

占 困于石。按于蒺藜。入于其宮。不見其妻。凶。陰柔不
中不正。火冷水涸。滋液積聚。不運通達。髓露而為
曰 痰疾寒形似石。一事無成之
夢。必須正心清神以解之。

媾精見血 大吉

占 心腹相托之夢。

遍身紅血 大吉

占 朱衣加身之象。無論貴戚素封。貧窮下賤。夢
曰 老殘喘。兒童女流。得此夢者。必有皇恩爵祿。

血流遍地

占 此夢占之最難料。只要得知何處到。
曰 從外流來。得大財。竅中流出。非佳兆。

血淋身 吉

占 非主文高武達。
曰 交易利子孫吉。

吸人血水 吉

占 狠心之象。

膿血汚手足 吉

占 紅錦。今如黃金。今似膿血。果及今體肉。相
曰 千金弟。足受污。今夢。果及今體肉。相

耳旁流血 凶

占 悲哀哭泣之象。主父母兄弟夫妻
子侄六親之內。必凶災死喪之禍。

耳邊有血水 吉

占 有恆典

乳中有血流出 大吉

占 白化為赤。必
有喜事至。

馮京大人王氏。未嫁時。問姆母曰。女夢兩乳出鮮
血。覺來乳痛。豈是生病耶。姆答曰。喜事將至矣。有
人曰。馮狀元人贊外戚張家。今有梅來。何喜可
至。俄京信到。書云。遊母命。聖主作代。決弗競。

頸裏血出

占 富有破財景象。凡事宜潛藏。
忍耐不得出頭。自取大咎。

血拌頭髮 凶

占 肝經有

舌尖出血 吉

占 文章進益。口舌消散。病主心經魚鹽多利。

額上出血 凶

占 與人相爭之兆。

溺血

占 溺血。名爲赤濁也。夢中見之。當得福也。是主所屬順從。子孫食天之祿。

陰戶流血 吉

占 運來年月好。經營百事通。日 孕育無災患。姻緣心意。

血汚衣

占 血染衣裳。意氣揚揚。如武人臨陣。不宜夢此。

自吸口中血水 凶

占 泣血。積頸。

喉中有血出 吉

占 肝主血。而喉屬肺。夢此爲肝肺相和。勞心費用以得大利之徵。有吉無凶。

身坐血汗之中

占 男夢拾財。女夢防產。

見血成河

占 君相夢之。天下大亂。水旱見之。雨雪。女子夢之。饑饉。病中見之。立愈矣。

將器皿取人血來家 吉

占 消災延壽之占

破傷無血 大凶

占 無精父有疎無血母有意
考妣有何憂也須坡上看

放血與人

占 血者性命所關也。放與別人
日 夢中見之。防財物失脫也。

股上出血 凶

占 有妻妾之處

遍身膿血出 大吉

占 膿血淋漓。滋榮潤澤之兆。夢此者。功名大吉。營謀
大利。如夢兒女。如此者。主易長壽。人若有爭訟之

曰

幾者，夢之凶。

被人刺取血去 大凶

曰

財物被劫之兆。

大腸崩血 吉

曰

腸中寬暢。災退患除。

含血噴人

曰

壯士正直。作事盡力之兆。

吮血

占

相知見許立言。見名大吉之兆。

吐血 吉

夢林玄解

夢之九

精血

天

夢占

占 立業成家

〇〇〇 汗氣類

渾身流汗 大吉

占 渾身汗其大號所謂渾小諸而成大儲災禍無干病愈

汗污衣 大吉

占 體膚汗出熱病消除

李世民裴某同卧帳中。李曰夢不祥。如之何。吾夢雨人渡河。河涘拾病疾走。汗出污袍。裴解曰。所志逐矣。二人天字。河無水可字。天可行。唐王號。所志必逐。裴記藏書。

汗流地下 凶

占 地土散失之兆。如歲大旱。夢之有悔。

汗如珠 凶

占 夢此事成。病不
解。訟被刑。病難愈。

汗如雨 吉

占 市廛熱鬧之象。

汗乾 大吉

占 身衣華袍。

氣息如雷霆 大吉

占 威振華夷之兆。人身象天地。乾爲首。坤爲腹。坎爲耳。艮爲鼻。震艮相聯。氣在鼻息。耳聽聞聲。夢此者。神居玉池之上。十二重樓之下。在裏而不出。氣盛如雲。故寐息如雷鳴。而同處室中者。不聞其聲也。夫如是。聰明睿智。剛健中正。德章四海。位極人臣。壽餘十二紀。福及九世孫。

氣從鼻口出如烟霞 吉

占 丹田氣盛故有此夢。

氣昏黑暗 凶

兩朱紫。夢行日宮氣暗昏黑。如燈照影。次日被禍。

氣從玉莖出 吉

占 元陽明。幹旋天根。大陰之精。入泉源而上升。朝于黃庭。游于玉京。嬰兒姤女。由南園而過大津。三尸却五鬼寧。于是乎夢繞金莖。

氣如火光 吉

占 重明以麗乎正。乃能成天下。又曰黃離元吉。

氣如虹霓

耶律丞相。抱妾晝寢。夢體有氣。燻烝貫目。狀如虹霓。雲霞滿天。覺問太醫。醫不敢言。咭咭稱慶。醫出語人曰。無藥治之矣。小便流血而逝。

喘息不定

占 心不寧故夢之。

喘

占 貞吉 否凶

占 夢者非真病。應驗在勞形。遠行涉險。急速重示。一時不及。所係非輕。更有好兆。得美聲名。

呼吸如風

占 風屬木。木在肝。肝主呼。肺主吸。其氣如風者。金木皆旺。而元精不能包藏之也。

如鬼噬吁

占 肺氣不足也。

夢者

汗氣

占

無息 大吉

占 太極靜而生陰。陰固而無聲。其氣清且寧。此夢主元神。元神旺。可長生。

〇〇〇 膀胱類

膀胱如江海 吉

占 腎水有餘。羣陰充足。江流滾滾。曰 海脉洋洋。水火既濟。康健吉祥。

膀胱如雞子 凶

占 陰水聚結之象。夢曰 之主病患將作。

〇〇〇 魂魄類

魂飛上九霄 吉

各揚壽永之兆。此中齡血氣未定。情竇未開。元神不動。而夢多。故有夢魂狂越之

占日

鬼。魂者本來面目。氣運而相合。脈血和調。若暑寒太過。不及。飲食稍訛。其理則氣不連合而恙生焉。陽清氣順。則上昇乎乾元。其生也智。其身後也靈。陰濁氣逆。腦受其弊。前呵後吸。不及丹田。三焦受其殃。元神降乎地。而爲鬼。其智不及。其壽不長。若夫情欲散亂。惟甘旨是好。餐餐劇飲。目視妖麗。耳聽嬌淫。于是邪魔譟跡。三尸合。五鬼厲。而禍及六根矣。故夢中見魂飛。歸於之常態。當教之以正。勿藥有喜。妻老之虛驚。當調之以安。勿勞無恙。韓忠獻公。次子琮七歲時。延師習學。一日問門。琮夜夢登靈壽山。見魂飛直上天門。師曰。魂足何物。汝何見知。琮曰。魂從頭飛出。及入。寤省。不知在那裏。

魂西北行 凶

占日

火上升。水下降。魂在中。離合不和。故有此夢。

魂呼魄 吉

占 肺氣動也。

魂如蛇魄如猴

占 心亂氣浮之象。

魂魄相打 貞吉

占 主陰陽不和而無咎。

○○○尿糞類

尿流至 吉

占 貧窮有此夢。必得無意之財。富貴有此夢。必得分外之物。疾病有此夢。必得救難之資。

向人撒尿 大吉

占 兆主心寬運通。夢首有惡。即解。有禍忽消。有惡斷除。有便便散。

解上溺尿 吉

占 出行遠方之象。夢此者，主有事遠行，或有遠方人往來。若途中夢之，須防風水。

撒尿滿口 吉

占 水火巡環之兆。

身上有尿濕 吉

占 冤釋災消也。

撒尿于碗中 吉

占 解急之象。夢此者，緩急有濟，疾病有人扶持，病危不死。佳兆也。

連連撒溺

占 其象夜卧不安，心中有急事，情欲不遂者之夢。

小解不出

占 夜氣不和故有此夢。
曰 或主急欲小解也。

屎尿污身 大吉

占 貴者夢之增祿富者夢之加息生意夢之獲利訟事夢之不吉病人夢之又當別占。

臭糞污衣飾 大吉

夢之有驗也。諸友訊之。京曰。昨遊湖上。飲醉歸。隱見而聞。夢人僧舍。內外無人。倚牀而溺。地有惡臭。因定視之。污累衣衾。今日見此。宛如夢中。幸不污耳。明曰。可喜。可賀。君當受廩資。不亦樂乎。僧舍無人。是增一口衣沾牀下。尿是亦庠序得米也。非受廩而何。果驗。

拈糞回家

占 大得貨財便成恒產。

人與糞 吉

占 糞雖污穢之物。沙土得之而壯。種植得之而華。出于人腹。施于五穀。夢兆諸凡方便使用。滿目與人者不祥。

掃除尿糞 大凶

占 尿者戶內水。糞者共田米。掃者婦無所歸也。若夢掃除舍宇。固為吉祥。所除非塵埃而去水米。將何以供膳乎。此喪家之兆。急宜脩省解禳。

糞中行畏惡 吉

占 夢此者主使用得宜也。
曰 千金萬貫都在阿堵。

糞虫 吉

占 生意之人。活潑潑地。

糞中坐

占 夢者多所受累。到底難行。若
曰 夢中坐起。則後來有好事至。

糞土堆積 吉

占 積玉堆金

糞汗解

占 積粟壞棚之兆。若干絕糧困乏
曰 之際。夢見之。必有人周濟大吉。

釜中有糞土 凶

占 破釜之象。其夢此而後。必成
曰 財利者。必降利亡家。不可不慎。

肩屎碗內 凶

占 夢此者將缺食餓死。必宜
改過自新。以祈天神救助。

廁出屎屋 凶

占 內空虛。外汗穢。
曰 費用不詳之兆。

大便滿地 吉

占 得見便宜。

大便在灶下 凶

占 燥妄異常。惡惡責背之兆。家中有厨灶。所以共口
食。井厠不相見。豈可容尿糞乎。夢此者。家事漸蹙。
曰 地土將壞。是非爭執。日
用不給。何法以生財。

失大小便 凶

占 外貨難序。已
曰 財散失之夢。

聞屁人笑 大吉

占 屁者。言也。一語。
曰 驕人爲人所信。

忍屁出汗 凶

占 養生之道。莫良于夜。氣。夜氣
曰 不足以存。其將有所不遂乎。

屁臭 吉

占 將有生意。

蛆滿身 凶

占 主財費病深。貴人
曰 主萬民擁戴之兆。

夢林玄解卷之九 終

夢林玄解卷之十

夢占

政事部一

科第

官祿

壽算

○○○科第

考試

夢應拔卜形求者此夢兆于君子爲朝野精神感
過拾取顯揚通泰之應匪德之人或夢兆此主大
凶事也。○夢應賢良方正科應此兆者盛德之祥
登庸之象文士得此主司召姓有漢劉之字者必
有遇合投契之占老病者夢此非祥。○夢應弘辭
詩賦科詳其題足命何辭何詩何賦文士可以此
推題旨。○唐姓之人平人夢之主才藝精通聲
歌清妙。○夢應制策試詳是何題文人叶吉。下人
訟事武人中式少年不事詩書者兆克刀筆爲吏
也。臨場防題目前兆大宜細推。○夢應會試主登

占

也。臨場防題目前兆大宜細推。○夢應會試主登

夢林玄解

卷之十

一

夢占

第之兆。夢應廷試。主鼎甲之祥。如本非文士。爲身投羅網。此非佳占。○夢應舉子試。臨試者應近。平日者應遠。呈卷見收者吉。不收者凶。平人或應于子弟。否則身入科條。訟獄之象。○夢應生童試。讀書者。收取無阻。則吉。不收有阻者。不吉。平人非學者。主身有受困之事。小口欠寧。獄禁易釋也。○夢入監考試者。文人中舉。平人入獄。凡事拘留不釋之象。

報中

神

言人告

占曰

夢此者。不論人神。凡預有稱告報語者。言中者吉。言否者凶。遠近有期。皆爲大吉之兆。筮等其語意。隨變而占。固有直應。亦有曲通。宜細測所推。如非文士。必兆于子弟也。或寄夢他人者。尤有靈驗。亦有虛夢者。或因特夢不覺。或以夢輕泄。故吉轉爲凶耳。唐鍾離介寓長安。夢二女揖之曰。吾家孟溪君。今中第。尹吾邑矣。已而果如其言。介既至。仙居求其跡。廟而祀之。名曰慈感。

馬涓既赴御試。夢人告之曰。子欲及第。須作十三魁。涓歷數其在太學。及預薦送。止作十二魁。心甚憂之。意疑復黜落也。遂

賜第。魁天下。果十三魁。

鄱陽士人黃瀛。宣和間。在太學。負俊聲。屢夢人言。黃狀元。因自待不淺。時與交友言之。然每入舉場。輒不偶。紹興八年。以免舉赴省試。而黃公度魁多士。瀛始悟。歎曰。二十年夢黃狀元。今乃爲他人所奪。快快而歸。久之。僅得持奏名。攝官而卒。

宋胡仲微。赴癸酉秋試。寓于城隍廟巷。民家樓上有富家子。應舉。欲胡爲助。許以錢三百千。胡辭之曰。吾固甚貧。然學有限。所謂自照一身。猶未光也。何暇及他人乎。富家子去。期以明旦再造。仲微以厚餌。意亦未決。夜夢黃衣卒登樓報榜。胡詢已之得失。卒曰。止爲公姓。名在榜。所以來報。辛既下樓。復還。白曰。秀才。解各雖定。更須莫管。則事乃可。胡矍然而寤。思畫之所喝。力却之。果預薦。張繡未第時。嘗夢人謂曰。汝登第在狀元前。覺而思之。世豈有科名先狀元者。吾殆無此望矣。及丁

未會試名在十五。鉛山費宏名在十六。是

科宏狀元及第。計得夢時。宏尚未生也。

呂情性至孝。方會試。聞喪。痛哭。草履奔至家。途

中夢有人報來。科狀元。後果驗。官至少宗伯。

松江錢中子名福。生數歲矣。夢三女來。謂曰。汝子

科第。當與蘇州吳寬同。因至蘇訪吳寬。吳時尚困

庠舍。然人皆稱其德。優學博。乃曰。吾兒便不得科

第。得名齊吳君足矣。及吳狀元及第。而福亦以狀

元發

跡

看榜

占曰

夢此者。不論自見。及他人見。有名者。聲名大吉。無
名者。名譽消落。或非已名。宜更名。以應之。或夢在
某人榜。則以其人中式。方得有應。或兆于幾年之
前。或兆于遠年之後。或兆于其人之將死。或兆于其
人未生之日。或兆于其人之難拘。一

杜居寔。夢川中放省榜。三十四名。而居寔與其數
覺而怪曰。省榜不下三百人。且當在京師。不在川

蜀遂不能曉。至建炎初，朝廷以險阻分路，

有試蜀果中三十四名，而岳飛果與焉。

楊徽之任江西觀察使，其子勣隨任江西，應舉時

在焉。其鄉則姓濮陽，而名不可別。既寤，訪于詞場

則云有濮陽恩者，聞人，能文有譽。一日，楊祖客滿

上，居于逆旅，有自閩來者，試詢之，乃貢士也。問其

姓，曰濮陽，審其名曰恩，閱其大肩宇，清朗詞氣安

詳，問所寓，則曰今將微居，楊令盡驅其行李，置于

庠序，命載與朝夕同處，是冬大解，濮陽藝學于公

卿間，人情翕然，得弟必矣。而濮陽一夕暴卒，楊惋

痛嗟，駭力為營，得尸，介閩間，仍謂其子曰：「我夢無

徵，汝之一名，亦不可保。明年其子及第，而同年竟

無濮陽者。夏首，將闢送于吏部，時宰相有言：「前輩

重族望，輕官職，是歲慈恩寺題名，咸以族望題畢，

楊間步塔下，仰視之，曰：「弘農楊載，濮陽吳當，恠然

如夢中。」

陳正居國子監，候紹興壬子試，夜夢登一大堂，掛

黃榜於梁間，問之人云：「此明春榜也。」正欲觀之，

風飄飄不定彷彿但見已名及宜興惠純夫耳迨明年試後路遇宜興報捷人因問云貴縣有誰其人附耳語以純夫正大

喜躍未幾捷音果至

孫葵得初名即字道卿嘗語人曰某舉進士過長安夢登塔見持一大文卷者問之云來年春榜索

而視之不可問其間有孫葵否曰無惟第三人有

孫葵既寤遂改名州字夢得明年果得第三人有

王勣奉新人夢與劉鑄至江西省署見開鄉貢進

士榜諦視之高懸朱牌十枚上書金字日光炫耀

不可讀忽一隸卒曰第一名南昌熊誼汝第六

呼鑄曰爾名亦在後載寤與人言皆笑之後八年

洪武庚戌始設科江西四十名額南昌占其十正

符朱牌之數熊誼第一載名第六鑄名第十九廷

試載名

亦第六

少傅余有丁嘗夢登杜正衡進士既第以爲夢不

驗矣及榜首中公入而袍笏其典之曰內臣杜正

巧矣哉

取中

于觀文入試。夢人以袖文與之曰。此春榜也。可收之。既覺。自解曰。令我收榜。吾其瑣榜乎。放榜果然。顧其夢其弟福中榜。名上朱污。以語福。及福自觀榜。名乃在糊縫鉗印處。爲朱泚焉。後福官至參政。

占

夢中元魁科甲。及取科舉進庠貢監之事。兆主利於文人。應有遠近。不中不取者。不吉。如平常之人。或驗于子孫兄弟。否則事有別占。反爲非吉也。老病之人。大爲凶兆。其在文士。卽非考試之年。亦有奇象。宜細詳之。

永嘉林溫。生於延祐丁巳八月八日。至三歲。名榮祖。又十二歲。更名溫。又十歲。當至正壬午。以春秋經試江浙鄉闈第一。董葵第四。董朝宗第五。朱公遷第二十八。溫授奉化別學正。丁亥之官。會董葵亦爲慶元學正。葵曰。吾大父曾得奇夢。記諸籍云。丁巳年九月七日。夜夢林溫作魁。朱姓人鎖榜。第四第五人姓董。其最異者。溫之生。甫一月耳。

唱名

占 夢唱有名者大吉無名者爲凶詳是第幾名又屬何地則知名第高下利甲分明矣如非讀書之士及老病之人

則爲不祥

劉悅初名濤宿梓潼祠下夢與舉子數百聽唱名于集賢殿有一衛士來曰公第三人及第問曰劉濤耶衛士曰非也劉悅也驚覺至元祐間詔書若與上書邪人同姓名者聽改名時有彰信軍進士劉濤例因改名乃憶昔夢改名

濤爲悅果中蔡嶷榜第三人

遊宴

占 夢遊嬉宴者身在前行上坐大貴在後乘下席小吉如非應舉者則主門有喜慶榮利倍常

樂迎

占 夢見人鼓樂迎已者兆主鼎甲見鼓樂迎他人者主其人富貴大爲奇貴之占如兆于平人之夢主

日

應及子孫非有盛德不足當之。

宋馮京父式商也。入粟拜官。壯年無子。將如京師。其妻金氏。授以白金數笏。今至京置妾。及至都下。買一妾。立契償金矣。問妾所自來。涕泣不肯言。固問之。乃言其父爲官。因緇連欠折。弱妾以償。式惻然。卽遣還其父。不索金。及歸。妻問買妾安在。具告以故。妻曰。君用心如此。何患無子。居數月。妻有娠。將誕。里中人。夢鼓吹喧闐。迎狀元。京乃生。

集錄

占

夢集上錄上。有名者。必主得第。無名者。不吉。名不合者。宜改名。以應其祥。然不可妄貪。須苦志力學。

方吉也。夢見他人名者。其人吉。夢他人見己名者。應尤靈。

宋臨洪與同舍生游太學。生得家書。秘不示洪。洪詰之不已。出書示之。書云。昨夜夢至一官府。若閤登科。集汝與孫洪皆列名籍中。其孫洪名下有未字云。于某年。不合與人寫離婚書。上天譴之。不得。

過省洪愕然生日公果有此事否洪曰有之及就
試生果中高第而洪不得選登生西歸爲尋夫婦
令其已離明
年洪始釋褐
成化丁酉鄉試畢吏科王給事夢人送鄉試錄二
冊王取觀之見上一冊第二葉內有蔣法名再欲檢閱其
人不從遂寤詰旦沈造王王爲言之及放榜沈中
第二十五名錄上第二葉內也後與子科蔣中第
十九名亦在錄中第二葉內乃知上下二冊者二
科試
錄也

牌扁

占

夢牌扁之上是元是魁必有奇應不在本身則在
子孫且其中借兆轉應幾甚靈幻凡夢皆然而此
爲尤甚占者宜細測而推大抵夢得
此兆者卽不應于已而事無不吉矣
宋徐顯夫幼夢家有狀元扁中釘以
丁儒夫狀元及第後與大不合

旌杆

初崑山張安甫在祁州嘗夢得一狀元牌匾明日偶因公事出至橋上適見一木浮水面問居民皆不知所自就令人作牌匾自書明倫堂三字寄歸崑山學中以寓期親之意乙卯秋恭靖朱希周夢取此牌匾回家以爲鄉貢之兆已而果得狀元云黃公度鄰人王氏夢其居掛金書榜曰狀元坊自謂子孫必應兆每誇語於里閭久而益會所居歸於黃氏不數日公度捷書到張元忬居羅蘭化同里對戶初旣大魁天下張尚朱第一夕夢移其扁於家及廷試果以狀元及第云

占曰

凡夢此者有吉無凶嘗有一富翁子入太學應試忽夢門首樹旌杆八枝時鄰家貧士寄居入試亦夢揚旌于其門外及掛榜其子下第而貧士魁甲明年富家子以天書被謫乃納之求教樹旌入托

定如
夢云。

簡籤

占曰

凡夢簡笑籤牌上有名字或見于自
夢或夢于他人皆主其人貴顯之徵
商輕應浙江乙卯鄉試與榜夢同舟
商輕一吏持
方簡一片至舟連呼解元者二簡上有商輕二字
楚問曰我中否其吏轉過簡後示之又
有姚夢二字是科商第一戊午姚第一
書宏上春官伯父瑄方以都水主事治呂梁防之
詢之曰伯父何以知宏之非第而必令入北監也
瑄笑曰此爾達到之也吾嘗夢汝入監領班籤
籤乃彭文憲故物也文憲嘗遊北監中狀
元矣汝勉之至成化丁未果狀元乃第

封記

占

夢自書封條票記是某科甲官職者必主異日榮
達夢他人將某科甲官職封條票記來至者必主

曰

指日富貴。如平常之人。夢人將封誥。乘記。來封其家戶什物者。又爲不祥。羅漢化赴會試。至杭州北新關。忽夢一老人。白夾青巾。從浮橋下舟。揭舟上會試封條。易以第一甲第一名。撒手。遂恍惚而寤。及廷試。夢果驗云。

主司見夢

曰

凡士人策進。多見夢於主司。其兆不可預擬。其占不可先定。其夢亦不見于其人。但天機畧露。使主文者。不得不收。不至埋沒其人耳。此闕文士升沉。不係主司得失也。李旻與王華同鄉試。考官取華爲解首。監臨謝御史。嫌華白衣。乃更李。主文者。夢中得一舉中雙元之句。後王華辛丑狀元。李。癸丙辰狀元。果符夢云。

店主見夢

占

夢見于店主者。乃其人之精氣感于天。以指點英雄。洩露其幾。壯其人之膽。使之自信堅。自待厚。且

夢占

卜科第

七

夢占

日

使他人禮敬。少濟其窮途族。

邱之恆也。但應有先後不同。
孫賢赴會試。途中投客店。主人兵飲食。致敬于孫。
孫疑其家有他會。問之。主人云。昨夜夢狀元至我。
家。今日必應此夢矣。是
科下第歸。來科果及第。

秀才舉子諸類

占

凡夢中見是秀才舉子魁解。來有求乞者。或主其名。非是其人。有他物托靈。宜以別應占之。不以本
人詳事。太象以
仁心待之。則吉。

楊吳之冠豫章也。中書舍人徐善與妹爲一軍校。
所處既定。軍校請以禮聘之。善自以宦族。不當與
戎士爲婚。固不許。技乃強納幣。竟奪之而去。善即
詣楊都求見楊渥而訴之。時渥初開藩服。府廷甚
嚴。僭擬王者。布衣游上。句歲不得一見。而善始至。
白沙渥夜夢人來言曰。江南有秀才徐善。將來見
公。今在白沙逆旅矣。其人良士也。且有情義。公可
厚遇之。旦卽遣騎迎之。既至。禮遇甚厚。且問所欲。

言善具白其殊事。卽命贖歸時歙州。

刺史陶雅聞而異之。因辟爲從事。

金陵有三大石甚古。吳仲康作守曰。夜夢三舉子。

求哀。且曰。若不垂祐。明日當爲煨燼矣。吳甚異之。

詰旦。徧問僚屬。莫能原其意。旣而視其牒。見兵馬

司狀申乞燒三醜石爲灰。供修造之用。吳遂悟。勸

寺僧愛護。元祐中。毛漸作清欲移。

置解舍。掘之旣深。而石根不斷。

人來賀。

賀人科第

占

夢賀人登科登第者。兆主其人貴顯。夢人賀已登
科登第者。兆主白身榮達。不論小大。凡賀人者。已

夫色人賀者。已增光。若非文士。

不應子弟。反有憂事來臨耳。

淳熙間。趙溫叔丞相。嘗力薦郭明復。劉光祿。楊輔

之謂皆省發試前列。且云。大好士人。壽皇宣諭云。

朝廷用人。皆以才。安論科第。科第不過入仕一途。

耳。溫叔唯唯而退。越口。御製科舉論其畧。謂近世

取士。莫若科場。及至用人。豈當拘此詩賦經義學

者。皆爲得之。又何足分輕重乎。夫科場之弊。于文

格高下。但以分數取之。真幸與不幸耳。至于庭試未嘗有黜落者。盡以官資命之。才與不才者混矣。是科場取士之弊。在乎人君擇相之不審。至于懷姦私。壞紀綱。亂法度。及敗而逐之。不治之事已不勝言矣。宰相不能擇人。每差一官。則曰。此人中第一真佳士也。終不參其才行如何。孔聖之門。猶分四科。人才兼全者。自古爲難。夫監司郡守。係民之休戚。今以資格傳之。丞相雖擇其一二。又未能皆得其人。及至陞對。既無過人之善。祖無凡猥之容。則又才能極精。共選國朝以來。過于忠厚。宰相而誤國者。大將而害軍者。皆未嘗誤於之。雖三代得天下。以仁而啓誓。六師曰。不用命。戮于社。義和廢厥職。猶征之曰。以于先王之誅。况掌邦邑軍師之大事乎。其要在人君必審擇相。相爲官擇人。不失其所長。懸賞立乎前。嚴誅設于後。人才不出。吾不信也。朕廷一二柄臣。皆能清白一心。盡忠無隱。且勉乎此。更勤夙夜。以懋庶績。豈不休哉。勅宣示溫叔色變。上曰。不謂卿等對曰。迅雷風烈。雖不爲孔子而孔子色變者。畏天怒也。由此言之。科第關乎民社。係于君相。大詎小端。形于夢寐。可不慎之。

〇〇〇官祿

爲官居位

占

夢身爲陽世之官。居陽世之位。主身榮名達異日。必應佳祥。占爲上吉。如夢居官位。而人世無此官。

爵位署者。主冥司陰府之兆。吉中伏凶。非喜事也。

王儋登第後。夢爲河南尹。視事有二客至。東西坐。

東者曰。崙邦如何處置。西者曰。已科決通出界。荅

覺而書於詰牒。後別紙上。後二十年。果除河南尹。

既至三日。洛陽令與分司郎官偕至。問答一如所

夢。蓋郎官奴竊物而逃。送邑。邑判如此。

樞密取官誥。後所志驗之。相與歎異云。

鄭處誨登進士。累遷工部侍郎。時族父勣爲定州

節度使。處誨因早朝。假寐於待漏院。忽夢已爲

東觀察使。而勣爲汴帥。留連飲餞。仰視屋棟。飾以

黃土。實從皆所識。明年。勣果自定州鎮宣武。辟

重掌書記。重將行。處誨告以所夢。明年。處誨轉

部侍郎。其年秋。授浙東觀察使。行及潼關。朗道從

事迎勞。仍致手書。令先疏所夢。比至汴。宴於清暑亭。賓佐悉符夢中。朗仰視屋棟曰。此亦黃土也。四座感歎。處謝朗相繼卒。

見人爲官居位

占曰

夢此者。兆主其人顯達。或老病者。則主其人不祿。凡人夢之。爲遇貴達亨之占。宜詳是何官位。以决枯榮。

陳世祖薈嘗夢章昭達升于台鉞。及旦。以夢告之。後以功授鎮前將軍。開府儀同三司。一日侍宴。世祖顧昭達曰。卿憶夢否。何以償夢。昭達對曰。當効犬馬之用。以盡臣節。自餘無以奉償。

選除官職

占曰

夢之者。貴人主得祿。選官。平人主獲財。得子。宜詳是何官位。必有佳徵。老人受職位者。病至。已病者不祥。

元于文傳方成進士夢入選掛名爲長吳正官而笑曰我吳人安得作長吳二縣正官必無此初受官階承事郎昌國州同知益笑前夢之不免也次當改選乃授平江路長洲縣尹無何改知烏程轉婺源州知州自以爲前任長洲偶與吳耳今已升知州安得再爲吳縣正官既而調吳江州知州亦長

吳正官也

劉璽嘗夢貴人若吏部尚書者補璽爲交州典令審而密書記之未幾卒後旬餘其家切女見璽聲似璽云我彼用爲典俊

縣令得殿督來候辭別云

潘玠與趙自勤同選俱送名上堂而官久不出玠云已作夢官欲出矣夢玠與自勤同謝官玠在前行自勤在後及謝處玠在東自勤在西相視而笑後三日官出果玠爲御史自勤爲拾遺同日謝初引玠在前先行自勤在後入朝則玠于東立

自勤於西立兩人遂相視而笑如其夢焉

羅彥國累試不第所夢於梓潼神夢神謂曰已除君恒密直學士矣明年彥國復下第投牒乞進舉

推恩授密州文學。
益密學之應也。

官職簿籍

占曰

夢見簿上有名者。士人吉。平人不祥。見他人有名者。主其入官。任者。平人吉。士人不祥。見他人有名者。主其入官。任將臨。如官位非人間之職。則又凶。憂之象。

劉守光爲燕王。有尼出入其母所。張殷袞托尼。求一文學。不得。一夕。殷袞夢入衙署。乃潛升廳事。見案上大簿云。職官姓名。乃檢河北道。見守光及武職掌其不有名。便捉筆自書。文學張殷袞。但卒墨色頗淡。卽驚覺。因識之。論語策後。豈早守遣人齋一醢。與殷袞。卽文學。際也。劉母讓守光。曰。我爲尼數言不與。今何忽與之。守光曰。兒昨夢衣吏來言。張殷袞已注下爲文學。詎故與之也。刻得謀。視姓名。墨色果淡。晉天福中。其子希永嘗出文論語後所記示人云。

賣官買職

夢賣官爵與人。或賣他人之位。則主其人富貴。所賣之官。係是冥司職守。則主其人不祥。或賣身之位。則本身失祿。如所賣者非人間官職。則延年享福之兆也。○夢與人買官爵。或不應得官之人。詳所買是何官職。則陽福之至。與陰禍之除。瞭然可推矣。或本當得官之人。詳買何人之官。何官之爵。則吉占可決。若官爵非人世職地。大非嘉祥。

求官

占

夢求官者。老病之人。大為不祥。平常之人。主即官爭訟。文士夢之。求而得者吉。求而不得者凶。○夢于求于人者。主恩澤至。○夢人來于求者。主權位尊。○夢薦舉他人者。主身失勢。○夢他人薦己者。主名位起。

王汾作館職。作王安石乞外任。不許。夜夢人告之曰。子欲得郡。須求元公。時元厚之為執政。別往求之。厚之曰。介甫意思不婉順。未可議也。然介甫屢爭事不合。恐旦夕出矣。姑俟之。未幾。安石果出知

金陵汾竟得宛州厚之之言
既驗而充字亦合元公也

賜官爵

占

夢天賜者德之報夢神賜者福之徵德福所兆大吉之占或賜其人或賜其子孫各有奇應君子當

焉非尋常

之兆也

秦主苻健之入關也夢天神遣使者朱衣赤冠命拜苻堅為龍驤將軍健翌日為壇于曲沃以授之健泣為誓曰汝祖昔受此號今汝復為神明所命可不勉之
宣和中方臘亂諸縣其士人黃汝楫以財物一萬緡贖賊所掠士女千人夜夢神告曰上帝以汝活人多賜五子月第其後子
開闢闕門闕皆登第焉

稱報官爵

夢人云是官或云得官者大吉有貴人至凡夢人稱某官人報某官及神鬼稱報皆常隨所稱報是

占曰

何官職或應人間爵祿或應陰府職司見兆各有不同意義自然各別占者定須隨人隨地隨其姓氏名目爵祿等級而準測之必有奇驗至若所見奇筮所應靈幻又非占驗家所盡述耳張光晟家甚微而有才用性落曉書酒壯年爲潼關卒屢被主將鞭笞因奉役至華州盛暑驅馳心不能平過嶽祠遂脫衣買酒致奠金大王朗言曰張光晟身負才器未遇知己富貴貧賤不能自杜惟神聰鑒當賜誠告橋訖因飲大醉盡寢于碑堂忽夢傳聲云與張光晟迫變其意即入一府署嚴遠異常導者云張光晟到拜疏訖遂見當廳貴人有如王者謂之曰欲知官祿但光晟拜相則天下太平言訖驚寤治汗後積勞官至司農卿及建中德宗西狩光晟爲朱泚所虜奉此其力每有戰常在兵出戰大敗而還天下遂太平方寤神告云潞公文彥博少時從其父赴蜀州幕官過成都入江濱觀畫壁官接之甚勤且言夜夢神令灑掃同庭明日有宰相來公豈異日之宰相乎路公笑曰宰相非所望若爲成都當令廟室一新慶曆中

潞公以樞密直知益州。謁廟。方經營改造。江中忽添大木數千。蔽流而下。取以爲材。廟成。壯甲天下。鬼神能窺其機也。

梅詢坐議天書。出知濠州。夢人告曰。呂丞相至矣。旣而呂夷簡通判州事。待之甚厚。其後授之廢斥中。登貴顯。皆夷簡力焉。

張文懿爲社令時。出城遇村寺。老僧出迎。邂逅過之。亦必出。文懿怪而詰之。僧曰。夜夢山神告某相公至矣。一日復往。而僧不出。文懿曰。不出何也。僧謝曰。神不我告也。文懿以爲誕。使僧問其所以。夜夢告曰。長官誤斷殺牛事。天符已下。不復相矣。文懿驚駭。省之。果嘗有殺牛事。遂復改之。明日過寺。僧復出曰。非夕山神言長官復爲相。明日當來。但減算耳。後果入中書。余靖嘗夢神人告以官止工部尚書而死。秦亭後至是官。常畏過秦。及安撫廣西代歸時。年已六十。五途卒。其處剛江寧府秦淮亭也。

馮京少孤。寓武昌。紙飲不羈。一夕醉臥郊外。遇有漁者。罷漁。艘舟而寢。有人叱之曰。馮侍郎在此。安得不避。漁者驚起。登岸。見一人衣冠。熟寢草間。詢之。知爲馮也。因請卧舟中。以避風露。具以夢告。且曰。秀才他日貴顯。幸無忘馮。睡至曉。共載入郡。其後馮貴。使訪漁舟。不復見。王蜀時有朱姓者。貧賤客于成都。因寢旅舍。夢中有人扣扉。覓朱少卿。其聲甚厲。驚覺訪之。寂無影。覺復睡。夢中又連呼之。俄見一人。手中執一卷云。少卿果在此。朱曰。我雖姓朱。非少卿。其人遂卷文書兩頭。只留一行。以手遽上下示之。果有朱少卿三字。後蜀王開國。有親知薦累至司農少卿。華松家本孤微。其母夜夢兩人夾門。言司隸在此。松後果爲司隸。高元裕於太和三年任司勳員外郎。寓宿南宮。畫夢有人告曰。十年作襄刺史。既寢。私異之。因援毫以題語記于廳之東楹。掩映處曰。大三寤。襄刺十年。泊開成三年。爲御史中丞。遂謂夢固虛耳。是後出入中外。數歷貴位。至大中二年。由天官尚書授鉞漢南。自題記後。解署補葺。亦屢矣。且謂楹上字。

無復存也。及與好奇士同往觀之。則毫翰煥然。獨存。高因屈指以今之年。加曩之十。乃二十年矣。獨浦城李景韓謁城隍廟求子。夢人謂曰。大王與汝余都主簿。因而生男。遂名之曰夢祥。弱冠登第。任余都主簿。到官謁城隍神廟。見有一判官。倒干墻下。從者見其貌似夢祥。爲言之。夢祥問廟祝。此判官倒幾年。云。已經二十六年。時夢祥年正二十六。臨然曰。殆我也。倩工教塑。工畢而夢祥卒。

貴人入家

拜見貴人

占

凡夢官吏入門。富貴大吉。夢欲見貴人。官吏而不得者。凶。得見者。貴。夢相對貴人。親近者。吉利。拜謁貴人者。主有扶持之力。事無不吉也。宋江瑋鄉稱善人。其鄰史知縣者。夸其能杖笞才士。瑋俛首不答。歸語其子燭曰。史固寒士。今居官以杖士人。自喜。史氏且不昌。汝其戒之。是夕燭妻陳氏夢一貴人入其家。曰。汝家長有善言。故來已而有娠。生萬里爲宋相。家居死節。列忠義傳云。

上任去官復任。

占

夢上官者大吉。主財物至。有阻碍不祥。夢去官者凶。有阻碍則吉。平人夢去官。兆主失財。老病者夢之。主延命。夢復任者。事皆亨泰。重整規模。

日

蜀蕭選。夢乘船赴任。江上候吏。旁午迎入石竈。忽報勅下。授水部檢校員外郎。後覆舟於健為郡。青衣灘而死。

封贈。庶襲代職。

占

夢封公侯者。貴人吉。平人凶。夢封官職者。主子孫大貴。夢贈官爵者。贈自身吉。贈父母。主父母有凶災。夢庶及子孫者。貴人吉。平人主小口有災。夢自襲先人官爵者。無不吉利。各宜詳其來歷。非可拘一而占也。夢身為封君者。子秀則吉。子不肖。主其子有刑。夢身為公子者。父貴則貴。父富則富。父凶則凶。夢代他人官職者。惟是何人。又是何官。彼吉則無不吉。彼殃則無不殃。或為陽職。或為陰司。各

有兆。詳測自明。難以預論耳。

官誥文憑符勅

占曰

夢得官誥者貴。失官誥者凶。有文憑者榮。無文憑者辱。人授官符貴子。失官符者兒亡。亦須詳其文誥。有升有降。有陽有陰。是何品級。是何制勅。吉凶可知。

江南大理司直刑陶夢人告云。君當爲涇州刺史。既而爲宣州涇縣令。考滿復夢其人告云。宣州縣官人來春皆替。而君官誥不到。刑甚惡之。至明年春罷歸。有薦刑爲水部員外郎。驟下而所司失去。復請二十餘日。竟未拜而卒。

戴胃素與沈裕善。胃以唐貞觀七年死。至八年八月。裕在州。夢胃衣弊。容顏見裕悲喜。裕問公生平修福。今者何爲。答曰。吾昔誤害殺人。吾死後。他人殺羊祭我。由此二事。辨客辛苦。不可具言。吾平生與君友善。竟不能進君官位。深恨于懷。君今日得五品文書。三歲。天喜。文以相報。言畢而寤。九年春。

補將歸江南行至徐州奉詔
書授裕五品爲婺州治中

牌書官爵

占 夢此者詳其何名。各有玄應詳其何
官。官有變通大要吉占。但宜圓測。

神宗嘗夢入大第有楹牌以金填字曰宰相項安
節寤而求之乃太學生也。慈聖解之曰項安節即
吳克也。頸

有瘤焉

吳員外瑞初登第其同年吳洪夢瑞牙牌上刻吏
部都水司初不解後瑞選南京吏部考功主事竟
轉工部都水司
員外始驗夢云

賀人得官赴任

人來賀

占 夢賀人者其人昌來賀者本身
曰 吉如老人及病者彼此非祥

迎送官府

占 迎吉人者吉。迎凶人者凶。送凶人者吉。送吉人者凶。如身係官府。爲人迎者。主陞遷。爲人送者。主落職。又有冥司相迎。宜細詳之。

俸祿

俸祿者。人主恩榮資育之物。形于夢寐。必主生人食祿多寡之數。又俸爲人奉祿。爲衣盛。當主得服飾器血之占。貴人夢此。則主君惠。平人夢此。則主天數。告益者。言損者。妖其例甚變。善占者察焉。

賜祿支俸

占 夢賜祿者。兆主福吉。告損者妖。其例甚變。占者詳得多。則福壽並添。得少。則福分不永。○佩者夢之。賜爲四祿。爲鹿。當得四鹿之應。○平人夢之。支數十二。當有十二人相敬之占。

張輓自奉天尉將調。以右銓在浙西。與已有舊。欲往干謁之。來到。夢人送官語至云。張輓可袁州新喻令。輓言已曾爲赤尉。不應作此官。不肯受。其人曰。兩季俸支牒已行。遂委之而去。及輓見銓。銓以

轉運限尚遠。勸署毘陵鹽鐵場官。輒以資故強受之。既至。視簿書所用印。乃新驗度印也。四月領務九月而罷。支兩季俸云。

俸增減

占 夢增俸者。官匪榮茂。命永家亨。夢減俸者。取降壽促。有罪犯人夢之。又爲戒科吉兆。不可泥也。

停俸

占 兆此主家居有絕糧之厄。客途有病殍之災。必非佳祥。

借俸乞祿

借得俸者。主有暫時之通。目前獲利。借不得者。缺食。人來借者。不與吉。與之已減色。夫利然。應在貴人。則爲官祿。應在下人。則爲文契。左券之占。乞得祿者。主壽添飲食豐隆。不得者。內文士夢之。得則收錢。否則失名。夢人來乞祿者。主有求薦求貨之應。貴人用之。必有士子乞取科第也。

追償俸祿

富者夢之。產業將衰。
老者夢之。年命已終。

隋侯蓋先家。構佳園。山水環遶。花木爭菲。珍禽奇獸之類。無不備蓄。又置美姬。婢百。人琴奕管絃。報疑歌舞其中。窮極娛樂。時號小隋場。有一女。姬。夜夢黃衣人。持檄來。謂曰。與汝主追償食祿。寤而白黃衣。以爲無祿之凶。方在疑嘆。忽園史報羣鹿齊斃。乃知其應。然未數年。養先身家並亡云。

祿料

韋阜爲張延賞婿。落魄不得志。一夕夢神人語云。吾子名係葛瑛。祿食全蜀。富貴將及。他日毋忘葛瑛。後節度全蜀。乃作南宮問四十。範金刻石。自製碑文。志之。盛開本。命丁卯。屬葛瑛也。吳越元。樂次子。文。奉以法。爲中吳軍。衙內部指揮使。某在郡。登烏鵲橋。見禽獸充狝城中。有一人云。此二郎祿料也。後改節度副使。幾三十年。及嗣元。璠爲節度使。累加至檢校太尉。中書令。壽八十一。

○○○壽算類

祿命籍

占曰

凡人壽命食祿皆由冥定。非形干夢。無從見光。詳于冊籍。註長則命長。註短則命短。註多則祿多。註少則祿少。然惟官高壽永者。乃得光此。必應斯占。非偶言已也。

妻師德少寤疾。夢紫衣人來召之。行數里。見路傍解署。朱門甚高。曰地府院。師德入其院。吏卒辟易見一王者。曰司命主世人祿命之籍也。有書數千幅在案上。傍有祿衣者。解爲按牒。師德視已名。歷官次第。位至台輔。壽至八十。驚寤。疾亦間。後入仕。歷官。咸如夢中所見。及爲西涼帥。見黃衣使者來召。師德曰。吾見司命之籍。位壽俱高。何爲遽見存黃衣人曰。公爲某官。悞殺無辜人。位與壽爲主吏所降矣。卧疾三日卒。

告以延壽

占曰

夢此者。主其人積德。必享遐齡。故有新兆。且須獲夢增修。其占乃驗。

太任夢長人感已。

曰。俾爾子壽而昌。

寶禹鈞家甚豐。年三十無子。夜夢亡祖亡父。聚蠅之曰。汝早脩行。緣汝無子。又壽數不永。禹鈞唯諾。後十年。復夢其祖父告之曰。汝自數年以來。名譽天曹。陰府以汝有陰德。延三紀。賜五子各榮顯。

告以壽盡

占曰

夢主其人年數應終。故神靈警告。非大德之士。卽窮惡之人。兆之者宜反躬修省。或可回天之意也。皮化縣令王昭罷任。歸建業。泊舟秦淮。病甚。夢朱衣吏執牒至。曰。君命已盡。今奉詔。臨曰。命不敢辭。但舟中疾。欲寬假之。使得登岸卜居。無所憚也。吏許諾。以五日爲期。至日平明。且當來也。既寤。便能下牀。自出僦舍。營辦凶具。教其子哭踊之節。召六親爲別。至期登棺安卧。向曙乃卒。晉沙門道泰。嘗夢人云。君命當終六十七。泰年至四十二。遇篤疾。慮必不濟。悉以求鉢之資。厚爲福施。

歸誠觀世音不替時所坐牀帷下。忽見人跨戶而入。足趺金色。光明照屋。奉乃褰帷遠視。奄然而滅。驚喜交集。因流汗遍體。所患頓差。

神許壽數

占白

夢此者許益多者壽數多。益少者壽數少。果能純心修德則既兆此占者必有福佑。非冥數不能前定。乃其人之德所能轉。

移豈非大吉之兆哉。陳希亮嘗夢異人按圖告其壽止六十四。至是英宗立。遷太常少卿。適當其年。乃求致仕。果卒。門生瑗少孤。母沙氏守節不二。老疾藥弗効。瑗憂懼。每夜露禱北辰。所以身代時母疾劇。不粒食者七日矣。忽蘇。謂瑗曰。適有神語我云。而有子加壽三十四。疾愈變爲風痺。子媳晝暮扶掖三載而沒。乃三十四云。

徐溥謂范文正公廟。少憩假寐。忽夢一人朱冠來曰。君壽還有兩于。覺而思之。以爲二十年也。其後

二十二年卒。蓋千字。兩

十兩一。合爲二十二云。
查道嘗夢神人謂曰。子位至正郎。壽五十七。後官
至右司郎中。享年六十四。人以爲寬厚仁孝所延
云。

梁廷嗣事高氏。歷四帥。歸宋。授復州防禦使。嘗暴
疾。禳於城隍神。其夕夢神告以九九之數。俄而疾
果愈。壽至八十有一歲。

人賀壽

賀人壽

占

夢人來賀已之壽。少年不吉。中年爲瑞。老年大凶。
貴人主有郡邑地名。遷轉其處。平人主有恩榮小
慶。賀人壽者主。

其人永算也。

馮綽年七十二。誕日。夢一緋衣人以二綺羅稱賀。
寤。卽呼童書之于東。明旦召子婦設盛饌飲之大
饌。綽執東示之曰。吾壽止于此矣。衆皆曰。夢人賀
誕。佳兆也。綽曰。二尺長七丈二尺。與吾年符。遂卒。

○○○嘉禮

新冠 吉

占 夢主頭角峰嶸冠冕一世之象仕宦夢之主陞位加官平人夢之主舉頭有碍如見人新冠者主其顯達。

賀冠 吉

占 進爵加官之兆。

華陽范鎮以少司徒致仕將行夢王安石持燭稱賀嘉禮却之不受安石曰既冠當賀却之不恭及旦蘇軾行賀鎮以夢告之蘇軾曰公雖還名益重矣後封蜀郡公軾書曰賀冠持燭之夢今果驗矣燭無火蜀字也。

命子冠 大吉

占 夢此而有子者。主其子超群出衆。應試必居榜首。
無子者。主得佳兒。如子夢父命者。兆主成人自立。
日 能繼父業。平常之應。凡事必居上首。爭先爲佳祥也。

女子冠笄 吉

占 夢見女子新冠者。文人功名顯達。平人聲技精高。
如女子自夢新冠者。主得貴子。閨女夢此。爲女中
日 丈夫。或身變女子而冠者。爲陰陽變合。反覆不一之象。

道者加冠

占 夢此者。主道紀有權。如仕人夢之。
日 主得臺官。如平民夢之。主獲賊盜。

僧衲披剃 大吉

占 人曾爲僧。生生不已。頭上光。得人度。受齋納寶。結
日 萬方緣。嘉祥之象。夢之主善繼前人。遊方之外者也。

曹確判度支。亦有台輔之望。一夕夢剃髮爲僧。心甚惡之。有一士人占夢多驗。惟具以所夢語之。士人曰。前賀侍郎旦夕必登庸。不者。號判度也。行且驗矣。無何杜栢出鎮江西而確遂代之。

出家還俗 凶

平陰王真。遊學長安。夜被牛皮而臥。夢披剃作關。相寺和尚。及仕尹京兆。夢于開相寺蓄髮加冠。以語諸友。或曰。加官之兆。卒爲王鳳所害。

剃度僧尼 吉

占 主結得人緣。

議結姻戚 吉

凡爲夫婦者。皆前生之緣。其有求而展轉反側。分雖必于未定之先。時不將于未嫁之頃。徵之蓍龜。形之夢寐。露其幾于未露之際。云耳。若夫姻親既結。成姻嬾已久。而夢寐之中。反生異議。非嫌惡之

占

曰

謂也。主有朋友之交。接擬議以成其變化。貨財裝束。皆係前緣。此其所以假寐姻戚之議。以漏天機已而。

定兌吉

曰占

夢主成。立之徵。

受聘吉

曰占

聘者欲招之來而先致其恭也。有爲父聘其友者。有爲子聘其師。傳者而婚聘爲治家之要。大倫之本。恒人之所見知。但知有婚聘是以夢中形見其驗不同。凡夢此者皆吉祥之兆。妻辭却之者。義也。情也。

行聘

曰占

夢之。主財物與人之象。鯢寡孤窮。夢之皆吉。若爲人夫而夢聘妻。爲人婦而夢聘贅。皆凶。

裴奩

廉吏何敬叔。值歲儉。榜門受餉。夜夢子媳裴奩。五十六車。車載珍寶各百斗。斗上一角。曰。此非清約者之夢。心甚惡之。及端陽節。得米二。千八百石。盡輸國稅。蜀貧民之租。陳寔語其子曰。兒娶婦時。吾夢奩中萬羊。使者引弓射之。今生孫祥。他日貴爲僕射。後陳羣官尚書僕射。朝士稱之。正直大賢。

子舍婢姻吉

尹驥夜卧驚省。呼弟朗曰。夢大不祥。奈何。弟曰。何夢也。曰。夢簡嫁女裴甚盛。弟爲捧裴。我未生女。備裴何用。朗曰。日後生女。得備盛裴。今豫兆耳。尹氏有田。爲張氏所奪。顯憤大開。張氏詐作傷命。訟顯當坐。朗痛恨。自擊。腦裂而死。

占

得作翁姑。孫枝茂盛。家道成矣。

出嫁凶

占 夢女出嫁主破家。妻出嫁主再醮。女夢人迎娶者。大凶。男夢自身出嫁者。主有遇合。

娶婦不行禮

貞吉 否凶

占 此得華服之兆。若夢鼓吹迎娶。大凶。

結姻稱賀吉

受人慶賀。必有佳祥。人稱結姻。是緣分成就。夢之主有因得吉。仕宦乃升爵加祿之徵。平民乃遇新相知之兆。

張鑑初應選舉。夢諸戚設燕。花燭滿堂。有趙氏執官曆稱賀結姻。寤不悅。曰。稱賀結姻。非美兆也。及大曆中。守工部尚書判度支。曰。昔夢人持曆賀嘉禮。今驗之矣。

歸寧

大凶

退悔姻眷 凶

占

破敗滅亡之兆。

再娶 否凶

占

男夢兩妻。主作事重疊。再得他人財物。女夢其夫再娶。主言辭反目。若病中夢之。主來生之事。或有舊日相親者。則邪陰假此以入戶庭。大凶之兆。

私約

占

此非正人君子之所夢。而見之者。主有意外之緣。陰事有成。

取婢吉

占此直叶之事也。但以形貌詞氣。衣裝景物推之。其所驗者無爽矣。

私奔別地成姻

占惟彼有情。我心不寧。急走荒野。潛入幽處。淫心將作。色膽無驚。惟爾麗姿。念念在茲。今宵何幸。人其知之。見知惟妙。育成于斯。花燭輝煌。合卺象房。指天祝誓。世世不忘。天網依律。禍及徇徂。邪淫之妻。

以妾爲妻

占君子夢之。因禍而得福。小人夢之。因小而獲大。夢見他人。伊有盜心。正婦夢之。殞亡在即。婢妾夢之。依棲身側。

以妻爲妾

占妻于字爲立女。以妻立女。爲老陰化少陰之象。妻之主棲止之地。陰氣重。陽氣衰。宜以遷移應之。又

曰

立女乃招婿之占。妻爲我之匹配。定主親上連親。入贅佳婿也。丈夫夢之。閨房積聚。私蓄豐盈。又主

妻無而

妾有也。安麗華貌如貴妃。才通文藝。其父爲大學生。嘗有此夢。招贅卜之。警曰。妻者接也。妾子富也。須防盜至。未幾遭朱此之亂。麗華逃隱娘廟後作屠婦。

妻嫁他人

兆此主家棄消散。陰人異心。門戶虛空不祥。

朱滄盛時。忽夢其妻來別嫁。與隣間豪貴之家。中甚悽慘。云何身係冤獄而死。

買妾

夢此主明日有兩人疾趨至門爭言。口舌之禍。蚤起以鏡懸門可解之。

又此兆恒屢正應。或吉或凶。必詳其夢中所見姓氏形貌以推之。可知其詳。

夢林玄解 卷十 三
賣妻妾

此爲陰私交散之兆。
又爲子身無倚之占。

爲人妾 凶

出人之下。立正之旁。爲副爲側。爲偏爲竊。定主身。
作宵小狗鼠之行。凡事爲禍亂將作之兆。妻者。懷
也。居妻之下。涕泣象
也。惟女婢夢之。反吉。
易安。夢爲商人妾。
未幾夫死人手。

爲媒

與人說
合之意。

女約奔走

夢女約來家。爲有私情之約。夢身爲女約在婦。
女。當主生美秀婢約之女。夢見奔走。陰私勞碌。

妻作媒

夢母作媒或夢妻作媒皆主
納寵得妓之占但有口舌

○○○ 妬孕

妬合

占

夢與他人交合主爲人幹疊小有悔無大咎。屬終
吉○交接男子主失財○與婦交者凶○與男人
交者吉○玩弄陰戶者主爭鬻之災○陰陽相對
抵推不合必有大闕○抱懷不亂主歡樂喜慶和
而不流萬物迴春之兆○合入不終者作事反覆
謀利不成○聯夢美女交構主崇厲損精宜正心
以辟邪則諸淫鬼
遠之而不能相侵

若夢中妻妾奴婢抱挾枕邊是人之常無足怪者
而動靜詞色聲音笑貌或其家之所無或已身所

占曰

不與。或理所不當與而當與處者。或事所宜然而身未嘗若是者。或心之所慕而未嘗及者。或向之所爲而令久弗爲者。若是者。皆當以其細推之。凡夢與姊妹處。夢與娼妓處。夢與姪處。夢與童子處。皆非吉兆。而夢與妮姑。同寢。或亡過妖理者。大凶。晉咸和初。徐情達行夢。與妻寢。有永當爲。至。師死。作社公。明年妻果產。後如其言。

懷孕

占曰

氣從有胎中生。胎從伏氣中得。陽氣動。動極而靜。靜而生陰。曰巽。曰離。曰兌。其胎爲女。陰氣靜。靜極而動。動而生陽。曰震。曰坎。曰艮。其胎爲男。陽氣生木。木屬肝。肝主血。血主于胎。而爲女。會氣生水。水屬腎。腎主精。精主于胎。而爲男。陰陽合閉。而生金。金屬肺。肺主氣。會而成胎。懷胎四十九百刻而分。燒。夢懷卽此神也。夢婦懷孕。主有財。夢妻孕。主外私。夢見姊妹。主事成。張司直疾病。夢身懷孕。甚惡之。華光遠曰。此去遇壬辰日當愈。懷孕。妊娠也。有大福。應。壬辰日果

瘥

生育

賀人生育

金丹妙訣云。胎成十月生。個個會騎鶴。世所稱騶神。卽此也。鵲善鳴。爲神主耗。故夢見童主口舌。而修煉大方家。善養生者。夢懷胎爲得道。嬰兒童爲嬰兒。姪女。夢產育爲不祥。氣聚散之說也。恒人之家。夢生男爲疾病。夢生女爲失財。夢抱新生子。孫爲大發。生男爲疾。生女爲小口。病死爲口舌消散者。積愁而有災。改過而成祥也。好學之士。夢孕育而得遂。志得賢良。得進取者。何哉。夢贊化育之志。使然也。凡占此夢。宜以六節之序。六甲之盈虛。引所向而推之云。

日占

托生

日占

夢此主產業廢興。當因其聲音顏色推詳焉。或相與往來。有事相托。而夢寐之間。假借托生。以爲生克之兆。或前生未了。或天降異人。而孫爲非。若夢骷髏妓女野僧者。不祥。

夢占

司徒高彥。夢一道士。仗劍至臥內。曰。來爲司徒子。要戮數千仇耳。高異之。是月妻果有孕而生子。名禮。

彌月

占 主凡事有三十日之占。

周歲

占 及期之象。周旋之兆。

小產

占 此夢主口舌消散之兆。又疾病折除之象。若有妊者。須防直吐。

分娩生二三子

占 仕宦夢之。主官爵高陞。一品之兆。平民夢之。主是非口舌。連累之兆。

產下鬼形

占 文墨之士。夢此
曰 主大魁天下

見人產兒

占 夢見尊長產兒主小口興財夢見卑幼產兒者主
添神見男子產者主得子見女人產者主得財如
曰 夢妻女產兒者而主子孫茂
盛夢父母產兒者祖業空虛

身是小兒爲人產下

此夢出入腹我之兆

夢林玄解卷之十

夢林玄解

卷十

始孕

三

夢占